

## Paerewa Paetae

<b>Aronga</b>	Ngā Toi Puoro 1.8				
<b>Ingoa</b>	Te whakamahi i te reo toi o ngā toi puoro				
<b>Kaupae</b>	1	<b>Whiwhinga</b>	4	<b>Aromatawai</b>	Ā-roto
<b>Marau akoranga</b>	Te Marautanga o Aotearoa				
<b>Kokonga akoranga</b>	Ngā Toi				
<b>Mana rēhita</b>	Kua rēhitatia	<b>Te rā i mana ai</b>	12 Hakihea 2013		
<b>Te rā e arotakengia ai</b>	31 Hakihea 2019	<b>Te rā i puta ai</b>	12 Hakihea 2013		

---

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Toi Puoro*

*Ka tūhura, ka hanga, ka hanga ariā, ka whakaatu:*

*[tūhura, mahi, mōhio, maioha] i ngā horopaki o ngā tūmomo puoro me ētahi mahi e hāngai pū ana ki aua horopaki.*

E hono ana ki te Papa Whakaako mō Ngā Toi kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

### Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

**Paerewa Paetae**

<b>Paetae</b> Te whakamahi i te reo toi o ngā toi puoro.	Hei tohu i te paetae: <ul style="list-style-type: none"> <li>Ka whakamahi i te reo toi o ngā toi puoro ki te whakaatu i ngā māramatanga toi e hāngai ana ki te kaupapa.</li> </ul>
<b>Kaiaka</b> He kaiaka te whakamahi i te reo toi o ngā toi puoro.	Hei tohu i te kaiaka: <ul style="list-style-type: none"> <li>Ka whakawhānui i te puna reo toi o ngā toi puoro kia pai ai te whakamārama i tētahi kaupapa.</li> <li>Ka tuawhiti te reo toi o ngā toi puoro kia mārama ai te whakapuaki whakaaro.</li> </ul>
<b>Kairangi</b> He kairangi te whakamahi i te reo toi o ngā toi puoro.	Hei tohu i te kairangi: <ul style="list-style-type: none"> <li>Ka whakamahi i te reo toi o ngā toi puoro hei whakamārama i ngā kaupapa huhua noa.</li> <li>Ka puta ngā taha rerehua kia rere pai ai ngā mahi toi.</li> <li>Ka tau te whakamārama i ngā momo pūkenga, ngā huānga, me ngā tukanga o ngā toi puoro.</li> </ul>

**Kōrero Āpiti**

E whai ake nei ko te whakamāramatanga o ngā kupu whaitake, kīanga rānei:

te reo toi o ngā toi puoro	Ngā kupu me ngā momo kōrero e hāngai ana ki te kaupapa o ngā toi puoro.
ka tuawhiti te reo toi o ngā toi puoro	He tino tau te whiriwhiri kupu toi me te whakatakoto korero toi e hāngai ana ki te kaupapa o ngā toi puoro.
ngā taha rerehua	Te wairua, te mana, te ihi, te wana, te wehi, te mauri.

Kuputaka:  
tuawhiti    high quality

**Tātari Kounga**

- Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromataawai ki ngā paerewa paetae.
- Ko ngā Kaituku Akoranga me ngā Whakahaere Whakangungu Ahumahi kua mana, ā, e aromataawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki    0233